

龙溪精舍丛书

龙溪精舍丛书

兩漢三國學案卷之五

唐晏學

詩

孔子之說詩曰詩三百一言以蔽之曰思無邪
此可悟孔門存詩之旨也夫詩有頌有雅有風
惟頌則有美無刺若雅則已美刺居半矣若夫
十五國之詩大抵皆刺詩也下之至於溱洧桑
中所謂無邪者安在乎不知此正所以爲無邪
也自關雎以下皆陳古以刺今古者無邪也今
者邪也思古之無邪以正今之有邪而邪者無
邪矣此所以云思無邪也

申公 趙綰 王臧

孔安國 周霸 夏寬

魯賜 繆生 徐偃

闕門慶忌 瑕邱江公 許生

徐公 王式 張長安

唐長賓 褚少孫 張游卿

王扶 許晏 博士江公

楚元王 穆生 白生

楚夷王 劉辟彊 司馬遷

榮廣 右師綦君 義倩

韋孟

子賢孫元成曾孫賞

薛廣德

劉向

陳宣

李昺

李業

龔勝

龔舍

高嘉

子容

卓茂

高詡

包咸

魏應

魯恭

魯丕

陳重

雷義

李咸

王逸

蔡邕

王符

徐幹

高誘

蔡朗

武榮

魯峻

以上爲魯詩派

轅固

夏侯惇

董仲舒

后倉

伏理

子黯

滿昌

張邠

皮容

蕭望之

白奇

翼奉

匡衡

子咸

桓寬

師丹

班伯

馬援

伏湛

子晨孫無忌

伏恭

任末

班固

景鸞

陳紀

以上爲齊詩派

韓嬰

趙子

賁生

蔡誼

食子公

王吉

栗豐

長孫順

張就

髮福

蔡義

薛方邱

薛漢

邳惲

李曷

杜撫

澹臺恭

韓伯高

召馴

楊仁

趙曄

張匡

劉寬

朱勃

廉范

馮良

尹勤

李恂

夏恭

子牙

陳囂

唐檀

廖扶

公沙穆

馮緄

杜喬

梁商

胡碩

侯包

武梁

丁魴

田君

陳修

韋著

樊安

田君

張恭祖

王阜

鄭玄

崔炎

祝睦

梁景

杜瓊

張紘

何隨

以上爲韓詩派

毛公

貫長卿

解延年

徐敖

陳俠

河間獻王

衛宏

謝曼卿

孔子建

孔僖

尹敏

賈徽

鄭衆

賈逵

許慎

馬融

鄭玄

王肅

徐巡

孫炎

文立

司馬勝之

常勗

王化

任熙

常騫

常寬

劉楨

李仁

陸璣

徐整

李譔

許慈

諸葛瑾

韋昭

王基

程遐

尹珍

以上爲毛詩派

賈誼

馮中翁

馮野王

鄧禹

馮衍

翟酺

宋均

馮豹

鍾皓

荀爽

隗禧

以上不詳其宗派

申公魯人也少與楚元王交俱事齊人浮邱伯受詩漢興高祖過魯申公以弟子從師入見于魯南宮呂太后時浮邱伯在長安元王遣子郢與申公俱卒學元王薨郢嗣立爲楚王令申公傳太子戊戊不好學病申公及

戊立爲王胥靡申公申公愧之歸魯退居家教終身不出門復謝賓客獨王命召之乃往弟子自遠方至受業者千餘人申公獨以詩訓故以教無傳疑者則闕弗傳蘭陵王臧旣從受詩已通事景帝爲太子少傅免去武帝初卽位臧乃上書宿衛累遷一歲至郎中令及代趙綰亦嘗受詩申公爲御史大夫綰臧請立明堂以朝諸侯不能就其事乃言師申公於是上使使東帛加璧安車以蒲裹輪駕駟迎申公弟子二人乘軺傳從至見上上問治亂之事申公時年已八十餘歲老對曰爲治者不至多言願力行何如耳是時上方好文詞見申公對

默然然已招致卽以爲大中大夫舍魯邸議明堂事太
皇太后喜老子言不說儒術得綰臧之過以讓上曰此
欲復爲新垣平也上因廢明堂事下綰臧吏皆自殺申
公亦病免歸數年卒弟子爲博士十餘人孔安國至臨
淮太守周霸膠西內史夏寬城陽內史碭魯賜東海太
守蘭陵繆生長沙內史徐偃膠西中尉鄒人闕門慶忌
膠東內史其治官民皆有廉節稱其好學學官弟子行
雖不備而至於大夫郎掌故以百數申公卒以詩春秋
授而瑕邱江公盡能傳之徒衆最盛及魯許生免中徐
公皆守學教授韋賢治詩事博士大江公及許生又治

禮至丞相傳子玄成以淮陽中尉論石渠後亦至丞相
玄成及兄子賞以詩授哀帝至大司馬車騎將軍自有
傳由是魯詩有韋氏學

按申公名培

魯詩說

古有梁騶梁騶者天子獵之田曲也

水圓如璧諸侯曰泮宮者半於天子宮也明尊卑有
差所化少也半者象璜也獨南面禮儀之方有水耳
其餘壅之言垣宮名之別尊卑也明不得化四方也
天子食日舉樂諸侯不釋縣大夫士日琴瑟御

閭妻煽方處言厲王無道內寵熾盛政化失理故致

災異日爲之食爲不善也

靈星爲立尸故云絲衣其綬會弁俶俶言王者祭靈星公尸所服之衣也

鼐小鼎也

中葦夜也

和設軾者也鸞設衡者也

以上御覽及正義引

王式字翁思東平新桃人也事免中徐公及許生式爲昌邑王師昭帝崩昌邑王嗣立以行淫亂廢昌邑羣臣皆下獄誅唯中尉王吉郎中令龔遂以數諫減死論式繫獄當死治事使者責問曰師何以無諫書式對曰臣

以三百五篇朝夕授王至於忠臣孝子之篇未嘗不爲
王反復誦之也至於危亡失道之君未嘗不爲王流涕
深陳之也臣以三百五篇諫是以無諫書使者以聞亦
得減死論歸家不教授山陽張長安幼君先事式後東
平唐長賓沛褚少孫亦來事式問經數篇式謝曰聞之
於師具是矣自潤色之不肯復授唐生褚生應博士弟
子選詣博士摳衣登堂頌禮甚嚴試誦說有法疑者邱
蓋見荀子本
作區蓋不言諸博士驚問何師對曰事式皆素聞
其賢共薦式詔除下爲博士式徵來衣博士衣而不冠
曰刑餘之人何宜復充禮冠旣至止舍中會諸大夫博

士共持酒肉勞式皆注意高仰之博士江公世爲魯詩
宗至江公著孝經說心嫉式謂歌吹諸生曰歌驪駒式
曰聞之於師客歌驪駒主人歌客毋庸歸今日諸君爲
主人日尙早未可也江翁曰經何以言之式曰在曲禮
江翁曰何狗曲也式恥之陽醉邊地式客罷讓諸生曰
我本不欲來諸生彊勸我竟爲豎子所辱遂謝病免歸
終於家張生唐生褚生皆爲博士張生論石渠至淮陽
中尉唐生楚太傅由是魯詩有張唐褚氏之學張生兄
子游卿爲諫大夫以詩授元帝其門人琅邪王扶爲泗
水中尉陳留許晏

字偉君

爲博士由是張家有許氏學初

薛廣德亦事王式以博士論石渠授龔舍廣德至御史

大夫舍泰山太守皆有傳

按新桃縣名漢地理志無之不知何屬

楚元王交字游高祖同父少弟也好書多材藝少時嘗與魯穆生白生申公俱受詩於浮邱伯伯者孫卿門人也及秦焚書各別去高祖既爲沛公交與蕭曹俱從至霸上封交爲文信君從入蜀漢還定三秦卽帝位交與盧綰嘗侍上出入卧內傳言語諸內事隱謀六年立爲楚王王薛郡東海彭城三十六縣先有功也元王旣至楚以穆生白生申公爲中大夫高后時浮邱伯在長安元王遣子郢客與申公俱卒業文帝時聞申公爲詩最